

## عين العنود

لي صاحب يا حسين ليتك تشوفه

ليتك تشاهد صاحبي بدر الانصاف

حتى تعذر الي تزايد صدوفه

وروحه من الغالي على حال ميهاف

يا حسين والله عايزات وصوفه

ولا شفت شيء يا ريش العين ينعاف

قلبي هوا زين الوصايف يلوفه

شفته على بيت الله العصري طاف

الزين في وجهه قرينا حروفه

مكمل ما شفت مثله بالاصاف

عين العنود الي تقدم خشوفه

ان دارها وسط الخلا حس واشواف

يا حسين من بعده نشوف الكلوفه

وعليه قلبي يافتى الجود ميلاف

ان غاب عني كن عيني تشوفه

وعليه قلبي بالحشا يرجف ارجاف

يا حسين يرعاني بعين المروفه

وان غبت دمه فوق الوجان ذراف

يا حسين وناتي عليه مخلوفه

لوقالوا تهوم لحروته كل مشراف

عيني على فرقاه تقل امخطوفه

ورجلي تهوم لحروته كل مشراف

الي ملك عقلي عليه الحسوفه

وحياة من نزل تبارك والاحقاف

محمد الأحمد السديري

## عندي سؤال

مدري وش الي عني البارح اشغلك

وخلاك تنساني وانا ميت فيك

اسأل عليك من اخر الشوق لاولك

وافكر اليا جيت يمي وش اهديك

ولا جيت يمي قلت لك يووووه ما اجملك

في ناظري حتى عيوبك تحليك

يا خف دمك في عيوني وما اثقلك

ثقل بس اموت لحظة تغليك

تصدق اني صرت لاشفتك آزعلك

عشان لامنك زعلت ارجع ارضيك

عندي سؤال وكل ماجيت ابسألك

يضيع مني قبل ما اضيع واجيك

ابسألك وش الي البارح اشغلك

وخلاك تنساني وانا ميت فيك

زايد الرويس